

## დანართი #1 პრეტენდენტის ინსტრუქცია

1. პრეტენდენტის ინსტრუქცია წარმოადგენს სატენდერო დოკუმენტაციის განუყოფელ ნაწილს.
2. პრეტენდენტი თავის თავზე იღებს საკუთარი განაცხადის მომზადებასა და წარდგენასთან დაკავშირებულ ყველა ხარჯს.
3. შპს „ლუკოილ ჯორჯია“ (შემდგომში „დამკვეთი“) არ არის პასუხისმგებელი და არ იღებს პასუხისმგებლობას იმ ხარჯებზე, რომელიც მითითებულია მე-2 პუნქტში ტენდერის ჩატარების ფორმის და მისი შედეგების მიუხედავად.
4. ტენდერის ორგანიზატორი (კომპანიის სტრუქტურული ქვედანაყოფი, რომელიც პასუხს აგებს სატენდერო პროცედურების ტექნიკურ მომზადებასა და ჩატარებაზე) პრეტენდენტს წარუდგენს წინამდებარე ინსტრუქციას და სხვა სატენდერო დოკუმენტაციას, რასაც მოითხოვს სატენდერო წინადადების მომზადება დამკვეთის მოთხოვნების და პირობების შესაბამისად, მოცემულს სატენდერო დოკუმენტაციაში.
5. ტენდერის ორგანიზატორი ითვალისწინებს იმ ფაქტს, რომ პრეტენდენტი ვალდებულია შეისწავლოს ამ მიზნით მისთვის წარდგენილ სატენდერო დოკუმენტაციაში მოცემული პირობები და მოთხოვნები. პრეტენდენტის სატენდერო წინადადება სრულად უნდა შეესაბამებოდეს ზემოხსენებულ მოთხოვნებს. პრეტენდენტის სატენდერო წინადადება, თუ იგი არ პასუხობს სატენდერო დოკუმენტაციის მოთხოვნებს, არ დაიშვება ტენდერზე წინადადებების ტექნიკურ-ეკონომიკური ნაწილის შემცველი კონვერტების გახსნის შემდეგაც კი.
6. დამკვეთს (მათ შორის ორგანიზატორის და ინიციატორი-ქვედანაყოფის სახით) და პრეტენდენტს აუცილებელი ოფიციალური ურთიერთობა შეუძლიათ განახორციელონ ფაქსით ან სხვა ელექტრონული საკომუნიკაციო საშუალებებით თავიანთი მიმართვების შემდგომი აუცილებელი წერილობითი დადასტურებით სატენდერო დოკუმენტაციაში მითითებული ვადების ფარგლებში.
7. დამკვეთი წყვეტს ურთიერთობებს პრეტენდენტებთან და/ან ტენდერის გამარჯვებულთან მისთვის ყოველგვარი შედეგების გარეშე იმ შემთხვევაში, თუ მათი სატენდერო წინადადების მოქმედების მანძილზე დადგინდება, რომ მითითებული სუბიექტები:
  - შედიან პირთა ჯგუფში, რომლებიც ბოროტად იყენებენ მათ დომინანტურ პოზიციას ბაზარზე;
  - არიან გადახდისუნარიანი, ლიკვიდაციის, რეორგანიზაციის პროცესში ან გამოცხადებული არიან გაკოტრებულად ან თუ მათ ქონებაზე ყადაღა დადებული;
  - აქვთ პრეტენზია კომპანიისადმი, გამოთქმული ზეპირად ან წერილობით (ელექტრონული

ფორმითაც აქ და შემდგომში, თუ სხვაგვარად არ არის მითითებული), აწარმოებენ ეკონომიკურ დავას ან სამართალწარმოებას კომპანიის წინააღმდეგ;

- არიან დაკავშირებული (დაქვემდებარებული) კომპანიის თანამშრომლებთან;
- პირდაპირ ან არაპირდაპირ სთავაზობენ, მისცეს ან თანხმდებიან, მისცენ სატენდერო ორგანიზატორის ან დამკვეთის თანამშრომელს, სატენდერო კომიტეტის წევრს ანაზღაურება ნებისმიერი ფორმით (მატერიალური ან არამატერიალური), რათა გავლენა მოახდინოს სატენდერო პროცედურის ჩატარებაზე, გადაწყვეტილების მიღებაზე ან ჩასატარებელ ტენდერთან დაკავშირებულ სხვა მოქმედებაზე;
- თუ მათი დამფუძნებელი/დირექტორი არის (იყო) სხვა საქმიანი სუბიექტის დამფუძნებელი/დირექტორი, რომელმაც დაუშვა ვალდებულებების დარღვევა სახელმწიფო/მუნიციპალური ხელშეკრულების განხორციელებისას, რასაც მოჰყვა მისი ჩართვა არაკეთილსინდისიერ მიმწოდებელთა რეესტრში, ასევე კონტრაქტის შესრულებისას, რომელიც დადებულია „ლუკოილის“ ჯგუფთან;
- დაუშვა რომელიმე შეთანხმებით დაკისრებული ვალდებულებების დარღვევა, რომელიც დაიდო ადრე "ლუკოილის" ჯგუფსა და ნებისმიერ კომპანიას შორის; ამასთანავე, ასეთი დარღვევები დადასტურებული უნდა იქნას სასამართლოს კანონიერ ძალაში შესული გადაწყვეტილებით, მიღებულს "ლუკოილის" ჯგუფის ორგანიზაციის სასარგებლოდ;
- არ შეესაბამებიან კომპანიის მოთხოვნებს სუ-ს (საწარმოო უსაფრთხოების), შდ-ს (შრომის დაცვის) და გდ-ს (გარემოს დაცვის) სფეროებში.

8. წარმოდგენილი სატენდერო წინადადება მისი განხილვის შემდეგ პრეტენდენტს უკან არ უბრუნდება. პრეტენდენტი იღებს ვალდებულებას, რომ დამკვეთის სატენდერო დოკუმენტაციაში დაფიქსირებულ ინფორმაციას მოეკიდოს, როგორც კონფიდენციალურს და არ გაუმხილოს იგი რომელიმე მესამე მხარეს.

9. ტენდერის ორგანიზატორი ვალდებულია, დაიცვას ინფორმაციის კონფიდენციალობა, რომელსაც შეიცავს პრეტენდენტის სატენდერო წინადადება. ტენდერის საკითხებთან დაკავშირებული მიმოწერაც ითვლება კონფიდენციალურად.

10. პრეტენდენტის სატენდერო წინადადების და ასევე ტენდერთან დაკავშირებული მიმოწერის ენა ქართული (უცხოური კომპანიის შემთხვევაში- ინგლისური).

11. დამკვეთს უფლება აქვს:

- ტენდერზე არ დაუშვას მიღებული სატენდერო წინადადებიდან ნებისმიერი მათგანი, თუ იგი არ შეესაბამება სატენდერო დოკუმენტაციის მოთხოვნებს;
- ნებისმიერ სტადიაზე გააუქმოს ტენდერი მისი გამარჯვებულის არჩევის შემთხვევაშიც კი, თუმცა ეს უნდა მოხდეს ხელშეკრულების დადების მომენტამდე;
- პრეტენდენტის მიერ სატენდერო წინადადებაში გაცხადებული მონაცემების შემოწმების მიზნით განახორციელოს აუცილებელი მიმართვები შესაბამის სახელმწიფო და სხვა ორგანოებისადმი თუ ორგანიზაციებისადმი, დაათვალიეროს პრეტენდენტის საწარმოები, დაწესებულებები და საწარმოო ობიექტები;
- არ მოახდინოს პრეტენდენტების წინაშე ტენდერთან დაკავშირებული ნებისმიერი გადაწყვეტილების მოტივირება;

ტენდერში მონაწილეობის შესახებ საკუთარი სურვილის და ტენდერის საგანთან დაკავშირებით დამკვეთის მოთხოვნების შესრულებისთვის არსებული შესაძლებლობების დოკუმენტურად დადასტურების მიზნით პრეტენდენტმა სატენდერო დოკუმენტაციაში უნდა წარმოადგინოს თავისი ტექნიკური პოტენციალის, აუცილებელი კვალიფიკაციის, ეკონომიკური და ფინანსური მდგომარეობის მტკიცებულებები.

მოვითხოვთ პრეტენდენტის განსაკუთრებულ ურადღებას!

ტენდერის გამოცხადებისას საჯარო ვაჭრობის ჩატარების მიზნით, პრეტენდენტი ვალდებულია პირადად ან საკუთარი უფლებამოსილი წარმომადგენლის მეშვეობით მიიღოს მონაწილეობა საჯარო ვაჭრობის ჩატარების პროცედურაში. ვაჭრობის პროცედურებში მონაწილეობის შეუძლებლობის გამო, თუკი პრეტენდენტის წერილობით შეტყობინებაში აღნიშნული არ არის რომ წარმოდგენილი წინადადების კომერციული ფასი საბოლოოა, სატენდერო წინადადება არ ღებულობს მონაწილეობას შემდგომ სატენდერო პროცედურებში.

12.1 სატენდერო წინადადება უნდა მომზადდეს და მიეწოდოს ტენდერის ორგანიზატორს წინამდებარე ინსტრუქციის მოთხოვნების და პირობების შესაბამისად. სატენდერო წინადადებაში არითმეტიკული შეცდომების ან ხარვეზების აღმოჩენის შემთხვევაში, რომელიც არ ცვლის წინადადების არსს, ტენდერის ორგანიზატორი დღე-ღამის განმავლობაში ატყობინებს პრეტენდენტს ამის შესახებ და ადგენს ვადას დოკუმენტაციის მოთხოვნებთან შესაბამისობის მოსაყვანად. ტენდერის ორგანიზატორის მოთხოვნებზე უარის თქმა ან მისი დაგვიანებული შესრულება საფუძველია სატენდერო წინადადების განუხილველად დატოვების. ტენდერის ორგანიზატორი არ ღებულობს სატენდერო წინადადებებს განსახილველად, თუ ისინი არ შეესაბამებიან სატენდერო დოკუმენტაციის მოთხოვნებს.

12.2 სატენდერო წინადადებას ხელი უნდა მოაწეროს პრეტენდენტი ორგანიზაციის ხელმძღვანელმა ან მისმა უფლებამოსილმა პირმა. სატენდერო წინადადების დოკუმენტაციის ყველა გვერდი უნდა იქნას ვიზირებული მასზე ხელმომწერი პირის მიერ.

12.3 სატენდერო წინადადება მიიღება 3 დალუქული კონვერტით: ერთი გარე და ორი შიდა კონვერტით.

- გარე კონვერტი უნდა შეიცავდეს: გარეკანზე მიმაგრებულ განაცხადს ტენდერში მონაწილეობის შესახებ (დანართი 2) და 2 (ორ) შიდა კონვერტს.
- შიდა კონვერტებში უნდა იყოს:
  - ერთ კონვერტი: სატენდერო წინადადების ტექნიკურ–ეკონომიკური ნაწილი;
  - მეორე კონვერტი: სატენდერო წინადადების კომერციული ნაწილი.

ტექნიკურ–ეკონომიკური ნაწილი–პრეტენდენტის მიერ დამკვეთის სატენდერო დოკუმენტაცია, მათ შორის წინამდებარე ინსტრუქციის მოთხოვნების შესაბამისად მომზადებული დოკუმენტები, გარდა იმ დოკუმენტებისა, რომლებიც შეიცავენ ინფორმაციას სატენდერო წინადადების ფასის შესახებ.

კომერციული ნაწილი–პრეტენდენტის მიერ დამკვეთის სატენდერო დოკუმენტაცია, მათ შორის წინამდებარე ინსტრუქციის მოთხოვნების შესაბამისად მომზადებული დოკუმენტები, რომლებიც შეიცავენ ინფორმაციას სატენდერო წინადადების ფასის შესახებ.

12.3.1 გარე კონვერტზე უნდა იყოს დამატებითი წარწერა–„სატენდერო წინადადება“ (ტენდერში მონაწილეობის შესახებ, ტენდერის ობიექტის და საგნის მითითებით). გარე კონვერტს თან

ერთვის თანმხლები წერილი (დანართი 2), რომელსაც ხელს აწერს პრეტენდენტი ორგანიზაციის ხელმძღვანელი ან მისი უფლებამოსილი პირი.

12.3.2 შიდა კონვერტებში უნდა იყოს დამატებითი წარწერები:

- ერთ კონვერტზე–„სატენდერო წინადადების ტექნიკური ნაწილი“ (ტენდერში მონაწილეობის შესახებ, ტენდერის ობიექტის და საგნის მითითებით);
- მეორე კონვერტზე–„სატენდერო წინადადების კომერციული ნაწილი“ (ტენდერში მონაწილეობის შესახებ, ტენდერის ობიექტის და საგნის მითითებით).

12.3.3 ორივე შიდა კონვერტზე ასევე მითითებული უნდა იყოს: პრეტენდენტის ტელეფონის ნომერი, ფაქსი და ელ–ფოსტა. შიდა კონვერტები აუცილებლად უნდა იყოს დალუქული პრეტენდენტის ბეჭდით ისე, რომ გამოირიცხოს მისი გახსნის შესაძლებლობა ბეჭდის დაზიანების გარეშე. კონვერტებში მოთავსებული დოკუმენტები არ მიიღება განსახილველად, თუ ისინი მომზადებულია წინამდებარე პუნქტის მოთხოვნების დარღვევით!

12.4 პრეტენდენტს წარმოდგენილი სატენდერო წინადადების გარდა ალტერნატიული სატენდერო წინადადების შემოთავაზების უფლებაც აქვს.

12.5 სატენდერო წინადადების ეგზემპლარების აუცილებელ რაოდენობას დამკვეთი უთითებს მოწვევაში ტენდერში მონაწილეობის შესახებ. სატენდერო წინადადების ყოველი ეგზემპლარი ფორმდება წინამდებარე ინსტრუქციის 12.1-12.10 პუნქტების შესაბამისად.

12.6 სატენდერო წინადადებას პრეტენდენტის უფლებამოსილი პირი გადასცემს ტენდერის ორგანიზატორს. პრეტენდენტს შეუძლია სატენდერო წინადადება გააგზავნოს ფოსტით შეკვეთილი წერილის სახით მისი შიგთავსის აღწერით.

12.7 მიღებული სატენდერო წინადადება ექვემდებარება რეგისტრაციას და ინახება ტენდერის ორგანიზატორთან.

12.8 პრეტენდენტს ასევე შეუძლია სატენდერო წინადადების შეცვლა ან უკან გამოთხოვა მისი წარდგენის შემდეგ იმ პირობით, თუ ტენდერის ორგანიზატორი მიიღებს წერილობით შეტყობინებას შეცვლის ან უკან გამოთხოვის შესახებ სატენდერო წინადადებების წარდგენის ვადის გასვლამდე.

12.9 სატენდერო წინადადებაში რაიმე სახის ცვლილების შეტანა არ შეიძლება მისი წარდგენის საბოლოო ვადის გასვლის შემდეგ.

12.10 სატენდერო წინადადებების წარდგენის საბოლოო ვადად ითვლება დღე, რომელიც მითითებულია

სატენდერო განცხადებაში. მითითებული ვადის გასვლის შემდეგ შემოსული სატენდერო წინადადებები არ მიიღება და გაუხსნელად უბრუნდება პრეტენდენტებს.

12.11 ტენდერის ორგანიზატორი უფლებამოსილია, მიმართოს პრეტენდენტს, ხოლო პრეტენდენტმა მიიღოს მიმართვა სატენდერო წინადადებების მოქმედების ვადის გაგრძელების შესახებ.

12.12 ვაჭრობაში მონაწილეთა რიცხვი განისაზღვრება 2 წარმომადგენლით ყოველი პრეტენდენტის მხრიდან.

12.13 ტენდერში გამარჯვებული უფლებამოსილია, დამკვეთთან დადოს ხელშეკრულება საკუთარი სატენდერო წინადადების და დამკვეთის სატენდერო დოკუმენტაციის საფუძველზე. იმ შემთხვევაში, თუ ხელშეკრულების შესრულებისას აღმოჩნდება, რომ ტენდერში გამარჯვებულის სატენდერო წინადადებაში ამა თუ იმ მიზეზებით დაფიქსირდა დამკვეთის სატენდერო მოთხოვნებთან შეუსაბამობა, მაშინ დამკვეთის სატენდერო დოკუმენტაცია წარმოადგენს ხელშეკრულების შესრულების განმსაზღვრელ (პრიორიტეტულ) პირობებს.

12.14 პრეტენდენტის მხრიდან ხელშეკრულების პროექტის ნებისმიერი პირობა არ ექვემდებარება ცვლილებას. დამკვეთს უფლება აქვს, არ გადახედოს სატენდერო წინადადებას სატენდერო დოკუმენტაციასთან მისი შეუსაბამობის მიზეზით.

12.15 ტენდერში გამარჯვებულად აღიარების შესახებ გაგზავნილი შეტყობინების მიღების შემდეგ პრეტენდენტი ვალდებულია, არა უმეტეს 10 კალენდარული დღის ვადაში ხელი მოაწეროს ხელშეკრულებას. ტენდერში გამარჯვებულის მიერ სახელშეკრულებო ვალდებულებების შესრულებისთვის ფინანსური უზრუნველყოფის უპირობო საბანკო გარანტიის სახით მოთხოვნის შემთხვევაში, პრეტენდენტი საბანკო გარანტიას დამკვეთს წარუდგენს ხელშეკრულების გაფორმებიდან არაუგვიანეს 3 სამუშაო დღისა, წინააღმდეგ შემთხვევაში დამკვეთი უფლებამოსილია გააუქმოს ხელშეკრულება.

12.16 პრეტენდენტის მიერ ტენდერის ორგანიზატორისთვის წინადადებების გადაცემა ნიშნავს წინამდებარე ინსტრუქციის ყველა დებულებაზე თანხმობას.

პრეტენდენტის დასახელება -----

უფლებამოსილი პირის ხელმოწერა, თარიღი -----